

Láhkaásahus mii fas rievdata mearraguolásteami láhkaásahusa

2013 geassemánu 14. beaivvi lea Guolástus- ja riddodepartemeanta 2008 geassemánu 6.beaivvi lága nr. 37 – ealli mearravalljodagaid hálddašeapmi §§ 16, 36 ja 37 vuodul mearridan čuovvovaš láhkaásahusa:

I

Guolástus- ja riddodepartemeanta 2004 juovlamánu 22. beaivvi láhkaásahussii nr. 1878 mearraguolásteami birra, čađahuvvo čuovvovaš rievdadeapmi:

§ 33d njealját lađđasis (odđa) lea čuovvovaš sisdoallu:

Sáidenuohttun guovllus mii Sállana siskkobealde gaskal D 70° 58,00' N 24° 32,10' ja D 70° 23,50' N 21° 42,48' lea 2013 skábmamánu 31. beaivvi rádjai almmá vuosttaš lađđasa eastagiin lohpi bivdit vuotnalinjáid siskkobealde, muhto olggobealde linjjáid mat leat namuhuvvon dán láhkaásahusa viđat mildosis, go fanas lea ovdagihtii dieđihuvvon Guolástusdirektoráhttii ja čađaha raporteremiid mearriduvvon gáibádusaid ektui.

§ 43 nr. 16 c) goalmát sárgečuokkis (rievdaduvvon) čuovvovaš sisdoallu:

– Guovllus mii lea gaskal 66° 33' D ja 62° D *lea dattetge unnimus mihttu 35 cm dassážiigo Guolástusdirektoráhtta lea meroštallan ahte leat bivdán 3 000 tonna sáiddi dan guovllus juohke regulerenjagis.*

§ 46 goalmát lađas (rievdaduvvon) čuovvovaš sisdoallu:

Sáidenuohttumis mii lea guovllus mii lea gaskal 66° 33' D ja 62° D *ja go unnimus mihttu sáidenuohttumis 40 cm de lea lohpi ahte juohke sállášis lea gitta 30 % sáidi mii vuolil unnimus mihttu. Sáidenuohttumis davábealde 66° 33' D lea lohpi ahte juohke sállášis lea gitta 20 % sáidi mas sturrodat lea vuolil unnimus mihttu.*

II

Dát láhkaásahus fápmuibohtá dakkaviđe.